

176 nánari ákvæðum aðalfundar sparisjóðsins. Verður upphæðin jafnskjótt færð inn 8. apríl í viðskiptareikning hlutaðeiganda.

5. gr.

Aðalfundur Sparisjóðs Arnarnesshrepps getur breytt skipulagsskrá þessari, ef brýn þörf virðist til, enda skal breytingin samþykkt af stjórnarvöldum þeim, sem bær eru um að samþykkja skipulagsskrár.

Leggist sparisjóðurinn niður ákveður síðasti aðalfundur hans hvernig verja skuli Tíu ára áætlunarsjóðnum.

6. gr.

Reikning Tíu ára áætlunarsjóðsins ber að endurskoða ásamt sparisjóðsreikningunum ár hvert og leggja hann fyrir aðalfund sparisjóðsins til úrskurðar.

7. gr.

Leita skal staðfestingar ríkisstjóra á skipulagsskrá þessari.

Hofi í Hörgárdal, 24. marz 1942.

Hannes Davíðsson.

177 Staðfesting ríkisstjóra á skipulagsskrá fyrir „Framfarasjóð stúdenta“, útgefin 8. apríl á venjulegan hátt að mandatum af dóms- og kirkjumálaráðherra 8. apríl 1942. Skipulagsskráin er þannig:

SKIPULAGSSKRÁ

fyrir Framfarasjóð stúdenta.

1. gr.

Sjóður þessi, sem er að upphæð kr. 5168.62, er stofnaður af nokkrum stúdentum, sem tóku stúdentspróf á árunum 1887 og 1888.

2. gr.

Tilgangur sjóðsins er að styðja íslenzka menningar- og framfaraviðleitni, sérstaklega allt það, sem vænlegast þætti til þess að efla atvinnuvegi vora og bæta efnalega afkomu almennings.

3. gr.

Stjórn sjóðsins hafa á hendi rektor háskólans, forstöðumaður atvinnudeildar og formaður stúdentaráðs.

4. gr.

Sjóðurinn varðveitist í Söfnunarsjóði Íslands, og skulu allir vextir lagðir við höfuðstólinn, þar til hann er orðinn að upphæð tíu þúsund krónur. Úr því má verja allt að helmingi vaxta samkvæmt 2. gr.

5. gr.

Sjóðurinn tekur á móti gjöfum og einnig loforðum stúdenta um að greiða ákveðna upphæð til hans innan 5 ára frá því þeir hafa komizt í fasta stöðu, enda veki stjórnin árlega athygli stúdenta á sjóðnum og sjái um innheimtu lofaðra upphæða.

6. gr.

Meðan útborgaðir vextir ná ekki 500 kr. upphæð, skal þeim öllum varið til þess að styrkja álitlegustu rannsóknir eða tilraunir, sem atvinnudeildin hefur með höndum. Úr því má verja nokkrum hluta til þess að styrkja eða verðlauna álitlegar tilraunir eða rannsóknir eða ágætar ritgerðir, sem gerðar eru af mönnum utan deildarinnar.

177

8. apríl

Staðfesting ríkisstjóra á skipulagsskrá fyrir „Sumarheimili Templara“, útgefin á 178
venjulegan hátt að mandatum af dóms- og kirkjumálaráðherra 9. júlí 1942. 9. júlí
Skipulagsskráin er þannig:

SKIPULAGSSKRÁ

fyrir Sumarheimili Templara.

1. gr.

Sumarheimili Templara er stofnað af Umdæmisstúkunni nr. 1 í I. O. G. T., samkvæmt fundarsamþykkt á haustþingi hennar 16. nóvember 1941 og afsalsbréfi, dags. 24. marz 1942.

2. gr.

Sumarheimilið er sjálfseignarstofnun.

3. gr.

Stofnuninni er í upphafi lagðar þessar eignir:

- a. Jörðin Kumbaravogur í Stokkseyrarhreppi með húsum öllum og öðrum mannvirkjum á jörðinni, svo og rekahlunnindum og öðru því, sem henni fylgir og fylgja ber, eins og umdæmisstúkan hefur eignast hana samkvæmt afsali, með áhvilandi lánum.
- b. 1200 króna gjöf Húsfélags bindindismanna.
- c. 2850 króna gjöf frá góðtemplarastúkum í Reykjavík.
- d. Framlag styrktarféлага og aðrar gjafir frá góðtemplurum 2880 kr.

Þá er og gert ráð fyrir að stofnuninni muni áskotnast árlega fé frá styrktarfélagum og eftir sérstaklega ákveðnum fjáröflunarleiðum, sem stjórn stofnunarinnar eða umdæmisstúkan annast.

4. gr.

Tilgangur stofnunarinnar er að reka sumarheimili fyrir börn fyrst og fremst, svo og fyrir fullorðna eftir því sem þörf krefur og við verður komið á hverjum tíma.

Stjórn stofnunarinnar ákveður í samráði við lækni, sem til er kvaddur, hverjir skulu teknir á sumarheimilið.

5. gr.

Stjórn stofnunarinnar skipa 5 menn, sem framkvæmdanefnd Umdæmisstúkunnar nr. 1 kýs til 5 ára í senn í marzmánuði ár hvert, í fyrsta sinn í marzmánuði 1942. Fyrstu 4 árin gengur einn maður úr stjórninni eftir hlutkesti, en síðan eftir starfsaldri.

Nú verður sæti stjórnarnefndarmanns laust áður en starfstími hans er útrunninn og kýs þá framkvæmdanefnd umdæmisstúkunnar annan í staðinn. Starfstími hans er aðeins fyrir þann tíma, sem fyrirrennari hans átti eftir að vera í stjórninni.

Stjórnarnefndarmenn skulu vera góðtemplarar.